

人

〔文德實錄七〕齊衡二年正月丙申陸奧國奏曰奧地倭囚等彼此接刃殺傷同種事須警備以防非常仍且差發援兵二千人許之

〔日本紀略^{朱雀}二〕天慶二年五月六日丁未出羽國馳驛言上倭囚反亂之狀

〔扶桑略記^{後冷泉}二十九〕天喜五年八月十日前陸奧守源賴義襲討倭囚安倍賴時之口給官符東山海兩

道諸國可運充兵糧之事公卿定申又下遣官使太政官史生紀成任左辨官史生惟宗資行等九月

二日鎮守府將軍源賴義與倭囚阿倍賴時合戰之間賴時流矢所中還鳥海柵死了但餘黨未服仍重

進國解請賜官符徵發諸國兵士兼納兵糧悉誅餘黨十一月將軍賴義率兵千三百餘人欲討貞任

等爰貞任等引率精兵四千餘人拒戰于時風雪甚厲道路艱難官軍无食人馬共疲賊徒馳新羈之馬

敵疲足之軍官軍大敗死者數百人將軍長男義家驍勇絕倫騎射如神以大鏃箭頻射賊師矢不空發

所中必斃夷人靡走敢无當者將軍從兵或以散走或以死傷所殘纔有六騎賊衆二百餘騎張左右翼

圍攻飛矢如雨爰義家頻射殺魁帥賊類謂神漸引退矣十二月鎮守府將軍賴義言上諸國兵糧兵

士雖有徵發之名无到來之實當國人民悉赴他國不從兵役先移送出羽國之處守源兼長敢无糺越

之心非蒙裁許者何遂討擊^上廿五日陸奧守藤原良經遷任兵部大輔源賴義更補陸奧守有重任

宣旨又止源兼長任以源政賴爲出羽守相共令擊貞任等其後諸國軍兵兵糧頻雖賜官符不到彼國

政賴亦乍蒙不次恩賞全無征伐之心然間貞任等恣劫略人民

〔百練抄^{後冷泉}四〕康平五年十一月三日前陸奧守賴義言上梟倭囚貞任等之由去九月十七日於厨河

楯斬首云々朝家聞食此由有歡感六年二月十六日源賴義斬倭囚安倍貞任同重任藤原清等首

傳京都

〔扶桑略記^{後冷泉}二十九〕康平五年奧州合戰記云諸國軍兵等頻雖賜官符不越來當國仍將軍源朝臣賴義